

Pɔl e lel ek'awɔ Filemɔ

Ów ek'it eke wɛl k'uw any

Sobel em anake Pɔl anɔ ke nɔn lel na awɔ Filemɔ a. Lɛgɔ ab em a, Filemɔ anɔ Kolɔs, aɔke l'el yogɔ e Nyamel ab em ec'ɛgɔ. In ec'akɔ a anake Krist eci jam us esel a b'as luku ɔɔɔɔ Nyam a. Ɛtɔ Pɔl anake ɔɔ Filemɔ itɔɔ erm em a.

Filemɔ ɔɔy adu nyam eke wɛl b'ɛɔɔ Onesim. Onesim e nyandre el: “abu elum” oglog “ob akplu”. Aduli na ɛy akp Filemɔ ek'el in ec'ɛgɔ eke ɔnymn ab a ec'abu em ɛtɔ im ɛɔɔ Pɔl ek'anɔ sobel em a. Onesim ub Krist nawre Pɔl e saw a eke n'im n'anɔ a (akr 10), ɛtɔ l'elum ow abu nɔɔɔ. Gbɛkɔ eke Pɔl el Filemɔ e lawl sɛnyɔ, ke n'ɔny ɔmn ow em yej'a, li bɛbm eke li k'ɔɔ Onesim ewl mɛny im ɛɔɔ ow. Tasi em a, ol dad eke adu fɛɔ ek'in b'uru es ow ec'ɛgɔ eke in ɔnyɔ ow ab ec'abu em a, in it eke wɛl k'ew low tuɔtuɔ in ɔɔ ow. Na sɔsiem anake Pɔl am awɔ Filemɔ lel a. Lel ab em, n'am is nuɔ n'ɔɔ Filemɔ ɛtɔ n'am ɔɔɔɔ ow eke ow k'eb Onesim. Ɛtɔ n'am ibrm eke ow k'ebm ow ɛsɛ adu af, kɔ ke ow ɛb ow ɛsɛ ɛgɔ lisijim af Krist sɔsiem.

Ɛsɔɔ

¹Em Pɔl, eke wɛl elu sobel em Jesu Krist sɔsiem[†] lele ɛy lisijim Timote ab e nin em, m'am awɔ Filemɔ ɛy lawl sɛnyɔ juma kok em lel na. ²Lel na el ɛy lisijow Apia lel ɛy e low dogɔɔ em e lawl Arkip[†] lele Nyamel eke b'as luku ɔ ec'akɔ ab ab yej'eci. ³Ke Nyam ɛy Ɛs lele ɛy Ɛs Kɔɔɔɔ Jesu Krist ab ɛdɔ ɔny ɔwɔ, ke ɔɔ ɔny erm es ɛy.

Pɔl am ɔɔ Nyam bia

⁴Sakp sakp fɛɔ, em e Nyam ɔɔɔ em, mi b'ɔkn Filemɔ ɔ e low ɛtɔ mi b'ɔɔ em e Nyam a bia; ⁵aɔke m'am iri agɔ am dad ɔ ec'erur ek'ɔny agɔ a fɛɔ ek'ub nawre a eci, lele ɔ ec'ɔmn ek'ɔny Ɛs Kɔɔɔɔ Jesu ec'ab ab e low. ⁶M'am ibrm Nyam eke ɔmn a ek'ɔny ɛsɛ ɛy af a, k'ij lec ɔ em, ke ow ɔɔ uw ów amamn fɛɔ eke s'ɔny Krist em, ɛy ec'owr anɔ na em ab any. ⁷Lisijim ɔ ec'erur ek'ɔny a, ɔɔ'm sos em ɔɔ nɔɔ lele sos es atr ab, aɔke agɔ a ek'ub nawre a, usur el erm.

[†] 1 Ɛkn akr 13, 22 lel 23 ab. [†] 2 Arkip: Kolɔs 4.17.

Pɔl am kok sɔŋŋ Onesim eci

⁸Na sɔsiem, ek'abusu eru'm es Krist em eke mi ki dad'ŋ low ke kók yeji, ⁹m'am erur ek'erur em a, m'ew ibrm em. Em Pɔl, èkn elel eke m'anŋŋ, eŋŋ ligbelgbel ek'emeny anŋ sobel em Jesu Krist sɔsiem, ¹⁰m'am ŋɔŋŋ'ŋ eke k'eb Onesim.† L'el em ec'iy Jesu Krist em sobel em aŋa. ¹¹Lɛŋŋ ek'ec ab em, l'akplm ŋ eci, kɔ yefenyana em a l'akpl ŋ lel em ab eci.

¹²M'am ewlm'n meny sica l'ow n'ɛŋŋ'ŋ, in eke l'ew ese em obi e sos ogog af a. ¹³M'erur tasi eke blel m'ɔnym'n ab n'anŋ'm saw eke m'anŋ sobel em Amani Mamn sɔsiem a, yec'etŋ ke ŋ usuiy a li kók em e lís e low. ¹⁴Gbɛkɔ m'erurm eke mi ki kok low ek'elum neny es, yec'etŋ ke low mamn a eke ki kok a, k'élm atrm em, kɔ erm frɔɔ em.

¹⁵Onesim kpab'ŋ e lís, ow k'ɔdm ke ow el lɛŋŋ tɛl eci, yec'etŋ ke b'ɛŋŋ'n ke ow él sɛŋŋ fɛŋ eci, ¹⁶aŋke caca em a, l'elm adu ij, kɔ n'ɔny any l'akm adu: l'el erur em ec'ɛŋŋ lisijim. L'il'm an kɔkɔ, kɔ ŋ ec'a ow b'ow afŋ es, eŋŋ e l'el a lele nawre ub es eke l'el ab ab sɔsiem eci.

¹⁷Sica eke b'oc'm ese awlŋ af, ke èb'r ese em obi em obi af. ¹⁸Eke li kok ŋ low ŋuŋ oglog n'ɔnym'ŋ ob ab, ùb ɛw'm af. ¹⁹Em obi ec'abu em anake m'am kɔn ów amua a: Em Pɔl, mi b'ow m'owr m'ɔŋ'ŋ. (Ow itm eke mi k'ɔkn'ŋ eke ŋ obi yeji ɔnym'm ob ab, kɔ yadŋ ee? ŋ ec'owr anŋ tasi a.) ²⁰Lisijim, m'am ŋɔŋŋ'ŋ, kok low na eke m'am ibrm a ɔŋ'm ɛs Kɔtɔkɔ ec'erur a sɔsiem: èyr'm erm es Krist ab ec'af okr a sɔsiem.

²¹Wanci na af eke m'am awŋ'ŋ lel a, m'ɔny ɔmn tasi eke b'ow kok low a eke m'am ibrm'ŋ a etŋ m'uw any yej'eke b'ow kok ow afŋ es. ²²Kòk'm es eru usu yeji kpekŋ, aŋke ɔny e Nyam ŋɔŋŋ em, m'am ɔny ɔmn eke wel b'ow elu'm es ɔŋ ɔny.

ɛsŋŋ es abal el

²³Epafras† ek'anŋ sobel em em ab Jesu Krist sɔsiem a, am ɛsŋŋ'ŋ, ²⁴etŋ Mark,† Aritak, Demas lele Luk ab ek'el em lawlel juma kok nyam em a yeji, am ɛsŋŋ'ŋ.

²⁵Ke sica ɛs Kɔtɔkɔ Jesu Krist ec'owrɔ a áŋŋ ɔny fɛŋ ab.

† **10** *Onesim* el adu ek'uru es Filemɔ eke ɔnym'n ab a ec'abu em; in e nin a e nyandre el: *ob akplu*. Bèbmn akr 11 ab. † **23** *Epafras*: Kolɔs 1.7; 4.12. † **24** *Mark*: 2 Timote 4.11 lel akr otar ab ab. *Aritak*: Ob Kok 19.29; 27.2; Kolɔs 4.10. *Demas*: Kolɔs 4.14; 2 Timote 4.10. *Luk*: Kolɔs 4.14; 2 Timote 4.11.